

ción da urxencia, estando incluídas todas as exploracións e actos médicos e/ou cirúrxicos realizados en urxencias, agás os recollidos na letra D punto 3 deste decreto como servizos especiais»; debe dicir: «Comprenderá todas as actuacións que sexa necesario efectuar na atención da urxencia, estando incluídas todas as exploracións e actos médicos e/ou cirúrxicos realizados en urxencias, agás os recollidos na letra D punto 3 deste decreto como servizos especiais e na letra E, puntos 5 e 6, como probas especiais e procedementos especiais».

-Na páxina 16.007, onde di: «Test de tolerancia de oxíxeno: 75,15»; debe dicir: «Test de tolerancia de oxíxeno: 72,15».

-Na páxina 16.008, onde di: «Prezo por lesionado atendido: 18 euros»; debe dicir: «Prezo por lesionado atendido: 180 euros».

## CONSELLERÍA DE TRABALLO E BENESTAR

*Orde do 23 de decembro de 2009 pola que se fai pública a ampliación da dotación orzamentaria para a concesión das axudas establecidas na Orde do 18 de febreiro de 2009 pola que se establecen as bases reguladoras do programa de axudas e subvencións ás empresas cualificadas como iniciativas de emprego de base tecnolóxica, cofinanciado polo Fondo Social Europeo, e se procede á súa convocatoria para o ano 2009.*

A Orde do 18 de febreiro de 2009 pola que se establecen as bases reguladoras do programa de axudas e subvencións ás empresas cualificadas como iniciativas de emprego de base tecnolóxica, cofinanciado polo Fondo Social Europeo (*Diario Oficial de Galicia* nº 41, do 27 de febreiro), establece na súa disposición adicional sexta, na que se recollen os créditos que financian a orde, que estes importes poderán ser obxecto de modificacións, como consecuencia da asignación ou da redistribución de fondos para o financiamento dos programas de fomento de emprego, coas limitacións que estableza a Conferencia Sectorial de Asuntos Laborais ou as disposicións aplicables ás axudas cofinanciadas polo Fondo Social Europeo.

Co obxecto de poder amparar un maior número de solicitudes, e dado que a dotación inicial resulta insuficiente, cómpre ampliar a dotación orzamentaria consignada inicialmente para a concesión das mencionadas subvencións.

Por todo o exposto e no uso das facultades que me foron conferidas,

### DISPOÑO:

#### Artigo 1º

Amplíase o importe do crédito destinado ás axudas que poderán ser concedidas ao abeiro da Orde do 18 de febreiro de 2009 pola que se establecen as bases reguladoras do programa de axudas e subvencións ás empresas cualificadas como iniciativas de emprego de base tecnolóxica, cofinanciado polo Fondo Social Europeo (*Diario Oficial de Galicia* nº 41, do 27 de febreiro).

#### Artigo 2º

O incremento da dotación será de 220.641,87 euros, con cargo á aplicación orzamentaria 48.04.322C.472.2 código de proxecto 2009 01047 e que figura dotada nos orzamentos xerais da Comunidade Autónoma de Galicia para o ano 2009.

#### Artigo 3º

Esta modificación non afecta o prazo establecido na referida orde para a presentación de solicitudes.

#### *Disposición derradeira*

Única.-Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 23 de decembro de 2009.

Beatriz Mato Otero  
Conselleira de Traballo e Benestar

*Resolución do 22 de decembro de 2009 pola que se convocan, para o exercicio 2009, as axudas recollidas na Orde do 12 de xuño de 2008 pola que se ditan, con carácter permanente, normas de procedemento para a xestión das axudas previstas no Decreto 106/1994, do 21 de abril, da Xunta de Galicia, e na Orde do 5 de outubro de 1994, do Ministerio de Traballo e Seguridade Social, pola que se regula a concesión de axudas previas á xubilación ordinaria no sistema da Seguridade Social, a persoas traballadoras afectadas por procesos de reestruturación de empresas.*

Mediante a Orde do 12 de xuño de 2008 (DOG nº 119, do 19 de xuño), ditábanse, con carácter permanente, as normas de procedemento para a xestión das axudas previstas no Decreto 106/1994, do 21 de abril, e na Orde do Ministerio de Traballo e Seguridade Social do 5 de outubro de 1994 (BOE nº 253, do 22 de outubro) sobre axudas previas á xubilación ordinaria no sistema da Seguridade Social a persoas traballadoras afectadas por procesos de reestruturación de empresas.

As subvencións reguladas pola antedita orde teñen por obxecto facilitar unha cobertura económica ás persoas traballadoras afectadas por procesos de extinción de relacións de traballo, por causas económicas, técnicas, organizativas e de produción, sempre que cumpran os requisitos e condicións nela exixidos, mentres non accedan á situación de xubilación, na súa modalidade contributiva no sistema da Seguridade Social.

Poderán acollerse a este tipo de axudas as empresas afectadas por procesos de reestruturación producidos por causas económicas, técnicas, organizativas e de produción, previstas nos artigos 51 e 52 c) do Estatuto dos traballadores, para aqueles traballadores e traballadoras que, afectados polos ditos procesos, vexan extinguida a súa relación de traballo, logo de conformidade expresa e individual de cada un deles, sempre que estes, ao alcanzar a idade ordinaria para o acceso á pensión de xubilación na súa modalidade contributiva, no réxime da Seguridade Social de encadramento, teñan ou puideran ter cuberto o período de cotización exixido para causar dereito á citada pensión de xubilación no dito réxime, estean en alta ou situación asimilada nel e teñan, como mínimo, 60 anos de idade, real ou teórica por aplicación dos coeficientes redutores da idade, cando accedan ao sistema destas axudas.

Segundo o establecido no artigo 6º.1 da referida Orde do 12 de xuño de 2008, as axudas solicitaranse nos catro meses seguintes á data en que se aprobe o expediente de regulación de emprego ou da data efectiva de despedimento, segundo o tipo de extinción do contrato de que se trate, indicando, ademais que a data límite para cada exercicio orzamentario será a do 15 de outubro de cada ano.

Así mesmo, segundo o estipulado na disposición adicional primeira, esta orde será de aplicación permanente e as axudas terán como límite global o crédito asignado a esta comunidade autónoma, para cada exercicio, na distribución territorial anual da Administración central do Estado, correspondente ás axudas previas á xubilación ordinaria no sistema da Seguridade Social a persoas traballadoras afectadas por procesos de reestruturación de empresas. Polo tanto, os fondos con que se financia son fondos finalistas dos que non se obtén o importe total ata o último trimestre do ano en curso, logo da comunicación, por parte da Xunta de Galicia, das necesidades reais para ese ano en función das solicitudes recibidas.

Por este motivo, a convocatoria debe realizarse unha vez recibidos os fondos finalistas e xerado o correspondente crédito nos orzamentos da comunidade autónoma.

Por todo isto, segundo o establecido na disposición derradeira primeira da Orde do 12 de xuño de 2008, pola que se faculta a persoa titular da Dirección Xeral de Relacións Laborais para que dite, no ámbito das súas competencias, as resolucións necesarias

para o desenvolvemento e cumprimento da referida orde, así como para a súa convocatoria anual,

#### RESOLVO:

Convocar, para o exercicio de 2009, as axudas establecidas na Orde do 12 de xuño de 2008 (DOG nº 119, do 19 de xuño), pola que se ditan, con carácter permanente, as normas de procedemento para a xestión das axudas previstas no Decreto 106/1994, do 21 de abril, e na Orde do Ministerio de Traballo e Seguridade Social do 5 de outubro de 1994 (BOE nº 253, do 22 de outubro) sobre axudas previas á xubilación ordinaria no sistema da Seguridade Social a persoas traballadoras afectadas por procesos de reestruturación de empresas, por importe de 1.929.686,12 euros con cargo á aplicación orzamentaria 48.03.324A.470.0, código de proxecto 2003/00554.

Santiago de Compostela, 22 de decembro de 2009.

Odilo Martiñá Rodríguez  
Director xeral de Relacións Laborais

#### CONSELLERÍA DO MEDIO RURAL

*Orde do 17 de decembro de 2009 pola que se modifica a Orde do 30 de xullo de 2009 pola que se determinan as épocas hábiles de caza durante a tempada 2009-2010.*

Ao longo destes últimos anos vense rexistrando unha incesante escalada de danos provocados polo xabaril no concello de Ortigueira. Ademais da problemática xeral que xera esta especie no resto da Comunidade Autónoma Galega, devén singularmente danosa neste concello a pesar dos esforzos dos cazadores, porque os súidos aproveitan o réxime de protección que ten a ZEPA da ría de Ortigueira e Ladrado para buscar acougo nese espazo natural.

Como queira que a situación de superpoboación que se rexistra nesta área é de todo punto contraria á supervivencia doutras especies silvestres, presentes na zona de protección citada, é polo que, en uso das atribucións conferidas pola Lei 1/1983, do 22 de febreiro, da Xunta e da súa Presidencia, e de conformidade co disposto no Decreto 318/2009, do 4 de xuño, polo que se establece a estrutura orgánica da Consellería do Medio Rural e do Fondo Galego de Garantía Agraria, en relación co Decreto 83/2009, do 21 de abril, polo que se establece a estrutura orgánica dos departamentos da Xunta de Galicia, e a Lei 4/1997, do 25 de xuño, de caza de Galicia,

#### DISPOÑO:

Artigo único.-Modificación do punto XIII) do número 1º do artigo 17º da Orde do 30 de xullo